

萬載縣志

第一冊

萬載縣志

謝學承書



萬載縣志序
民國二十九年

年秋排印

(印梓滄起龍)

續修萬載縣志序

善爲治者必先悉其地之山川阨塞風土人情農田水利以便於

隨事設施隨時調劑隨宜補救而又必於其地之賢士大夫加禮

晉接有兼聽而無偏聽有確定而無兩可則地方之志與鄉人士

之能談地方之志者其握要也萬載舊有志其猶存於今日者則

道光壬辰同治辛未兩志皆曾呈大府而以爲可者曩年內政部

徵集各縣志書當由續修縣志館購集辛未志轉送縣府而前縣

長張薊甫逕呈於內政部者辛未至今蓋六十有餘年矣山川不

改時代遷移風土不殊禮俗迥異因革而損益之不可不一新其

書邑紳清進士龍蛻庵先生退歸林下夙有志焉初欲爲一人之

書費不足而中輟民十八九年之匪亂稿本散失徵集之書率歸
灰燼避地回鄉當道復有續修縣志之通令縣人交推其重行編
輯則以一人之見眾口難調私修不敢告勞公修敬謝不敏張前
縣長薈甫呈淮上峯強而後可抱殘守缺次第告成將可付諸手
民又以費絀而輟蓋成書若斯之難也懷素今夏因公赴泰和謁
上峯謂縣志已可成書亟須籌款付印當道欣然首肯公回復與
縣人悉心籌畫請蛻庵先生力爲其難於七月一日重行開館以
八十有四歲之老翁目視耳聽口講指畫晨夕編摩揮汗如雨於
山川阨塞風土人情農田水利三致意焉耆年碩德精勤如此蓋
懷素所稀見亦國人所僅有也

中華民國二十九年八月萬載縣長姜懷素謹序

方志非卽史也而實導源於史紀傳莫先於遷書取二千數百年
之事筆削之至於麟止自黃帝始誠欲上追夫詩書禮樂易象春
秋之遺以繼往聖而開來學後有述者蔑以加矣嗣是而班書繼
之孝武以前悉借材於司馬漢以上不及焉謂既有遷書無俟贅
設然自高祖迄孝武不嫌其贅者以一朝爲一家之天下此謂斷
代以成書自是無不斷代者方志非一家之書而一省一府一縣
之書也史以帝王爲主斷代可也志以地方爲主必無可以斷代
今此之志以萬載縣名則自有萬載來皆此志也非若元和之志
郡國元豐之志九域限於一時且非若太明之志一統限於一代

也民國初年竊有私修縣志之舉盧侍讀兆蓉謂時方草創百度維新則且截至清季爲止以省筆墨之困難今又二十有五年矣而劉氏洪闢之昭萍志畧義倣斷代意謂民國之事稍俟後時可也若以爲民國之事且待他人倣漢書之例斷代成書竊期期以爲未可也清帝命臣工續三通復爲皇朝三通則猶是一統之規模非若地方之志如萬載縣焉者自楊吳以迄於今日縱縣名有更易猶是萬載之地而況乎數百年未改即編輯伊始謹序其崖畧以質世之知言者

民國二十有五年九月

八十老人龍賡言擬稿

此稿成時已越四載早經排印散閱今亦無以易之惟時當絕

續之交新政繁興將來篇中所收入庸有未盡合者全書告成當有後序二十九年八月謹記

分序十二

萬載小縣建置亦遲陽樂康樂悉係古名與今之縣境廣狹何如談星野者未審於疆域能否相合談沿革者未審於形勢有無不悖也氣候祥異率因乎天風俗山川率麗乎地今之講方輿學者於阨塞再三致意焉顧僅讀其書未若流覽其圖者不啻親履其地也吾今列圖於卷首而疆域城池坊市都置備注於圖後視前此之圖兼及建築風景者似有間矣然談方輿而及古蹟似也兼及封爵寧不以爲雜乎天下方志多矣固不必執一格以相繩編

書非法律比也刻舟求劍削足齊履卽法律亦推行不善前志門類近於煩瑣亦實無可諱言者執簡以御煩因端而竟委胥是道焉述方輿第一

縣署以出治亂亟則燿焉治與亂相反而實相因亂定民氣未蘇九有興作急其所不可緩者其他且需之數十百年聽民之自爲之無事官爲督促轉滋騷擾蓋民安且樂自無不日進於繁盛也曩吾於縣署曾見其新者今乃夷爲公共體育場考棚文昌閣先後燬焉或以爲非今時之制等於不甚愛惜而文廟武廟及公私棟宇大致無恙也吾聞明清之交城門早閉防虎竄入居人之寥落可知夫虎逼人而可閉門以避也明季賦歛之急極之於野無

居人民無棲止而未有已民困至極謂天下可不亂耶其卒也凡有興作付之一炬陂堰塘閘隨水奔流田無灌溉野無收穫甚者置官輒逐之否亦棲於敗壁頽垣而已縣境以內微石梁塋塚外猶存棟宇不且魯燬靈光乎今經喪亂而鱗次櫛比巍然翼然非數百年之創建積累不及此也曩何以由亂而治謂宜及亂之未極而兢業保持之用民之力如湖堡公路飛機場不可緩也外此或猶有可緩者乎述營建第二張縣長於塗泉設實驗鄉爲全境模範自城開公路以達於彼凡民房之外向責令粉白豬圈糞宕不許當門以表清潔而飾觀瞻城市店面煥然一新

族姓觀念縣人最深於何知之於修譜建祠知之合數百千萬人

之眾彙其生年月日以及其他而輯之爲譜又萃其散處於數十
百千里內者分別出貲而建爲祠堂時平則享祀宴飲而歡洽急
難則呼號奔走相應援幾於守望友助扶持之遺意也苟充其團
結之力足資捍禦而衛鄉閭而動其本原之思且可與教養而厚
風俗縣境數千人之族不少矣嚮時有族長房長舉族之人而董
率教導之糾紛則排解之今易名爲族董會公推族望素孚之數
人董其事而以一人爲之長一族之眾凡有口角忿爭出土之故
得由族董處理之可省傳呼之勞守候之苦與夫鬪說之情甚至
賄囑之弊曲直分而嫌怨少固勝於法庭解決而上訴之紛七抑
宗親之聯洽有以激發其篤厚之忱也述氏族第三

百穀所成足以供食百物所出足以製貨先王之政足食而後足
兵計口得食卽計夫授田因田而出賦卽因賦而養兵食虞不足
而屯政興焉物忌有餘而商賈通貨賄焉水旱偏災而蠲免以卹
困窮鹽鈔假以供民食亦藉以劑國用之平漢唐以來鹽法與田
賦差輕重而內訌未已則田賦減收中外交通則洋貨侵入末世
苟且之政司農仰屋剝肉醫瘡輒取盈於田賦焉明季賦重人稀
苦於正供更困於加派以田送人或且不受迄於清初天下未大
定而田賦無從出也萬載夙稱上疲絕續之交重罹兵劫吳常二
公之稟難乎其爲劫後之官民乃遲之十數年而減賦有詔又遲
之數十年而永不加賦有詔觀世變者能不爲明季咎耶殷鑒不

遠在夏后之世嘻吁危乎高哉述食貨第四

知縣親民之官名稱代殊而親民則一然參與其事者幕友也奔走於前者家丁也供書識而備驅策者書吏差役也皆日與官親或乘間抵隙而伺於其旁類能使官與民隔關通賄囑之弊由此生焉吾且問幕友無外交乎家丁無事權乎均不治遊不喝雜呼盧乎書吏差役凡百無少假借乎不威嚇平民不擅用鎖練乎從而勤坐堂也時下鄉也吾曾聞收詞以包封入能坐堂乎勘驗以巡典往能下鄉乎卽或偶一親往而僕從多人供應悉索則相率以官不下鄉爲幸而所謂親民者民益不親也然且卑劣之員紳時時進而逢迎之民困苦於無告矣古來得賢宰相而後對疆有

名臣得好封疆而後地方有循吏若其揣摩迎合工於罔上而巧於欺下則固非所語於百度維新之時哉述職官第五

化民成俗必由學學之時義大矣哉學莫隆於三代夏校殷序周庠皆所以明人倫人倫明於上小民親於下父子有親君臣有義夫婦有別長幼有序朋友有信蓋極之數千年而未之有改也國體大更或致疑於君臣孔子不曰君使臣以禮臣事君以忠乎蓋君臣乃對待之詞猶上下之分也上下之分明此謂義也上下之分不明卽推之東西各國必無可久是則所謂倫者於今之學校固無容瑕疵軒輊於其間倫旣明矣凡所宜學次第及之盈科而進放之東西南北而皆準也聖門之賢身通六藝德行言語政事

文學各有專長聖人且自言執射御非卽科學之權輿乎今書院
改學校而公私爭立且日加多下學可上達造就之宏盛於昔日
不可以歲月計與不惟其名惟其實不薄今人愛古人所望操教
育之權者意靡涯也述學校第六

有文事者有武備學校可儲將材古者軍民不分故文武不分儒
生遠行輒携書劍文人脆弱有足勝折衝禦侮之任者乎科舉盛
而文武分兵亦率資召募然漢唐以後文臣之饒將畧者指不勝
屈毋謂大功出書生武臣卽當愧死也明之戚譚著績海疆義烏
勇強天下其後無聞豈不在乎人哉滿清無人不兵咸同之役多
隆阿塔齊布外鮮有能者兵亦率不可用東南戡定曾胡左李數

文人之功爲多兵仍召募謂市井游閑與坐食廩糧之兩不可恃
也驅市人使戰置之死地而生惟淮陰侯多多益善今日實行徵
兵之制保無市井游閑因之以充數者乎人自爲戰非一朝一夕
之故矣述武備第七

鄉舉里選古之遺也去古日遠詭遇滋多物窮則變遞衍而爲科
目時代升降再三變而爲八股明清兩朝得人最盛名臣循吏罔
不由之而熊襄愍廷弼之拔盧忠烈象紳也亦以八股其事最奇
題爲憂心悄也慍於羣小同輩見忠烈之文謂必以第一人置之
而榜發乃五等眾方詫異而忠烈泰然旋牌示某日某刻接見五
等秀才時至忠烈往傳呼開大門啟轍親迎於堂階下攜手入謂

秀才中無此人且止四等故以五等別異之語也出肺腑相付託
文武全材忠義大節忠烈亦卒不相悖負特舉此以例其餘而後
知文以載道言爲心聲固有賞識於牝牡驪黃外者哉數十年來
人之唾棄八股者比於臭腐吾縣先正鮮不從此以入今所云云
直一時自爲風氣爾竊以爲薦舉徵辟其得失與科目等有時薰
蕪雜進方嘖嘖然咎其制度之未善不知相賞無特識抑偏私之
見未盡化除不得不思變計果善變乎哉述選舉第八

縣人少顯宦惟南唐有三四公最著他縣所志且以爲不盡屬萬
載也自是而後國史有傳者僅郭辛兩侍郎三四品官卽落落可
數然大率以科名進咸同兵興庶幾乎有果銳自強者乃出境未

遠蹶然思返捐例太開佐貳雜職亦鮮有所聞秀才視巡典或鄙
夷之其所願爲者祇教職而已無奢望也吾見夫世之以官爲市
者每以纖悉而取倍稱之息一朝得意歸來裘馬麗都忘其所自
借富貴以驕妻妾恃勢位以凌梓桑視他人之安淡泊者輒指爲
躓踏無遠志而縣人不屑也且僻處山陬交通未便而又不欲以
他途入故寧辭富厚蒙誚讓而不惜也今則漸思進取矣遊學者
獨騁遐觀從政者不卑末秩需之歲月其必有內贗謀畫外任折
衝者與真可以嗤迂腐之學究而唾文弱之書生矣述仕宦第九
焉嘉慶一統志惟龍長史鐔一人而已長史以薦入國子監以國

平生簡按察高皇特達之知有非尋常所能望其肩背者雖中遭
蹉跌卒能以報建帝者報高皇士重節義功名其次焉若夫富貴
利達以勢位屈人高談雄辯以口給禦人反不若鄉黨自好之士
以善言解紛難以公理衡是非以孝弟忠信啟人之良知良能以
愧恥羞惡俾人之自怨自艾君子之道中庸而已矣夫子之道忠
恕而已矣某所望於後起之秀遠則爲國家著功績近則爲鄉黨
樹儀型所至有聲卽流傳不朽如謝靈運習鑿齒諸賢偶然寄跡
且謹誌之抑或爲獨行之士擅一節之長推而至於仙釋方伎並
記載所不廢也取法乎上有開必先後願正自靡旣也哉述人物
第十

劉向傳列女而劉開續傳蓋以彰婦德表懿行開母固不徒以節
著也然鄉僻之地婦人之德其他恒少表見惟無夫之婦貧困之
家多以節著可知能守與不能守不在乎家之貧富也空乏其身
憂愁抑鬱其心極之臨危履險致命遂志守從一而終之義而無
少反顧者婦女而有士君子之行力不足以請旌表惟方志足以
紀載之然自其姓氏及其夫名以外不著一字已旌表者殫填事
實又必與例相符率牽合之而不便者錄無乃太簡乎抑厭其繁
複而不免千篇一律乎不如就所可信者而少加注腳也述列女
第十一

聖人之於弟子也教之以孝弟謹信汎愛親仁次第固秩然矣力

之有餘道在行之不急急於文也然亦不離乎文士先器識遵是道焉然如王楊盧駱之文當時稱美後世亦未易及之如欲比於古之作者縣境能幾人乎一文一詩間予登列而積成卷軸或且遺之第散見於本傳吾想其用功之勤否與歲月之短長未可一概論也况一文一詩之登列容或徇暫時之情既積爲卷軸非能倉卒而取諸懷抱者又非若鄉會試之侏卷但以爲酬酢之品也殫畢生之精力乃不獲與一文一詩以倖存必非素心之所安若謂其自有專集流傳與否聽其自爲消長則古籍之僅存書目於歷史者後人何不從而刊落之耶述藝文第十二
續修縣志啟

古者輔軒之采下及編氓紀載之書旁搜僻壤記風土於周處傳者舊於襄陽斯志乘之濫觴實方輿之矩矱洎元和而志郡國元豐而志九域廣輪所及編纂遂多其可得而言者范氏之志吳郡羅氏之志新安以及康氏之志武功陸氏之志靈壽爲較著矣萬載地非繁赤時值倉黃當運會之升降有廢興之感想議續修乎縣志屬編輯於老人念故舊彫零十且八九恨藏書殘失百遺二三道路何知豈能執塗人而問卷宗全燬寧可向公門以尋則取材難也既稟稱事日用不可無費病喪柴梨紙墨亦多有費萬家之中產破千畝之上腴枯泉貨逐波公私埽地則籌款難也今欲治六十年之已事竊比於絲誠恐積千百輩之人心適如其面謂

於彼於此本無界畫之可言而爲異爲同敢云針芥之恰合化除
成見趨步大同則調劑難也而況志該史料人以文傳收作魏書
幾於蕪穢不治裴注國志不免蜂蜜兼收較得失於寸心孰是文
章千古措昏花於老眼遑論學識三長玉石無分薰蕕莫辨則去
取難也綜此四難厥有二要微資薄具悉田野之脂膏斷簡殘編
闕先民之心血伊可懷也我告勞乎不浪擲青錢而曰囊中自有
不蹉跎白首而云耄矣無能惜吾輩之外陰等錙銖於尺璧惟責
無旁貸庶歛不虛糜則勤與儉要矣沒世無稱君子所疾盛名難
副通人所譏既廣搜羅徐加抉擇不隨意爲輕重不任情爲是非
彰苦節而厲孤寒表清操而愧貪墨一字之褒榮華衰千秋之論

定蓋棺爾室可對神明斯民猶存直道則公與平要矣老人年登
大耋學第小成差竅耳目之聰明無奈見聞之孤陋焉能爲述足
啟後而承先聊勝於無姑發凡而起例所冀父老兄弟共諒慙愚
賢士大夫爲匡疵繆焉耳

凡例

一縣志自咸化丙申迄同治辛未前後入修其間創者因之斷者
續之新者增之闕者補之殷周損益百世可知如是而已

一會稽章學誠文史通義論修志事陳義甚高於世所奉爲楷模
如武功志尤抨擊之不遺餘力第稱其於官師褒貶並施直道
不混稍出流俗於靈壽志則但取其田賦獨詳居官者不可紛

更聚斂土著者不可侈靡爭競尤爲仁人愷悌之言真不愧於古循良吏斯言深可味也其他論議亦實有獨到處分門別類其所云一破俗例者因就前志少加釐定若以爲擅翻舊案則吾豈敢

一縣中建議修志交推老人承其乏維時尚寄寓上海真如遠道歸來目擊流離慘狀嚼野田草根以活救死不贍何有於志近復議修而昭萍志畧告成因仿萍志折衷章氏取人之長可也顧萍鄉而曰昭萍與胡待御思敬之鹽乘義各有在不相沿襲猶稱萬載縣志非膠柱也

一前志標目率遵頒發程式今不太爲變更亦不過於拘泥萍志其先例也縣之稱邑已成習慣其實邑不足以該縣章氏言之詳矣盡取而易之是則何必辛未以前縣率稱邑後則自縣焉耳萍志於國朝等字率改稱清白屬言之成理然尋省舊文有可改者有改之而辭氣不完者如抬寫舊式自可無庸以歸簡便

一民國初年曾擬私修縣志至宣統庚戌而止盧侍讀耿力贊之因事中輟忽忽二十年訪舊半鬼如昔之多所商量何可得也今春侍讀弟兆梅復持斯議且云可待前志確定續成一篇近有作者大率如此庶典章制度兩不相蒙讀縣志者得以窺其深而知喪亂昇平之所由來者漸也

一志皆有圖蓋仿古之圖經而僅得其似今以總圖括縣境之全更分城廂爲一圖五鄉各爲一圖總圖則疆域城池及鄉區都畝之概畧錄於其後明所統也分圖則城區祇載坊市及東西隅畝地名五鄉各載所屬市鎮及都畝地名明所分也分爲各鄉區仍統於一縣也元和郡國志篇首各冠以圖圖後系以四至入到師其意而引伸之不待終篇全縣在目中矣按辛未志總圖後爲城爲學宮爲公廨爲龍河書院爲考棚爲文昌宮爲武廟叙次不甚妥愜今學宮雖存而聖廟及兩廡已成辦公室來往雜遝機幽林立先賢先儒之木主燬焉而名宦鄉賢忠義孝弟等無論矣猶幸而不與文昌閣縣署考棚後先一炬也聖

廟近改中校羣以爲文化事業尙屬可行迄一載而遭空襲學生二人在劫數中然則聖人之宮牆亦有當厄時與縣政府火住武廟亦以空襲而轉入學宮則此五圖者今俱從闕非有意刊落之也由是而分門別類爲大綱十有二而予目分屬焉撮其要旨縷述於左

一方輿縣所域也而星野繫之俯察地理仰觀天文而氣候屬之而祥異應之而風俗因之與天地相爲流通者也沿革以審今昔之形山川以測高下之位形勢阨塞縣之保衛尤今日所宜留意者封爵古蹟多在萬載未立縣以前亦講方輿學者所有事也疆域都畝方輿所經城池坊市營建所繫并附於各圖後

矣非闕畧也

一營建首飛機場重國防也公路利交通也碉堡譚防衛也委員長之建議則今之上諭也吳公講堂重循良戒妄擬也公署以出治自知縣及於巡典宜矣考棚以掄才前志總名之曰公所既燬而改爲縣倉倉以儲穀備荒普濟育嬰以恤貧而慈幼則養之事因心等以濟養之窮賓興樂泮宣講惜字以助教之所不足不在縣境或昔有而今廢各以類相從可矣民人社稷相助爲理祠廟所由崇也縣境山多田少防旱甚於防澇則水利莫急於陂塘而橋渡以利行人塋墓以安死者前志謂須宦達名流正途出身任知縣守備以上者然且及於義塚矣寺觀以

居僧道歷年悠从靈壽縣志刪而不載章氏書後聚訟不休其推情度理非強辭而逞其雄辯也臨川縣志則附之方伎之門東湖縣志因之竊以爲此名營建第言營建而已不必如談道學而麾之門牆之外也杭之靈隱當陽之玉泉名流遊覽於其間見之題詠者不可勝記於吾道何傷彼教雖異非誕妄不經之比天主即蘇到處有堂信教自由載在約章寺觀迄今千數百年矣而或且欲廢之毋乃識二五而不知十歟

一氏族得其民者得天下孟子言之天下縣之積民者氏族之積也天下之富強與民族盛衰爲轉移富而後強老生常設竊以爲強而後可保富且可以致富也有明威繼光用義烏勇海疆

晏然近世如曾文正國藩之湘軍李文忠鴻章之淮軍皆以一縣而強聞天下大難戡平民安生業未有不日進於富者縣少世家而數千百人之族悉數難終自經喪亂十亡二三苟得良司牧起而噢咻之去其殘賊除其煩苛生聚教訓民情可見亦大可用也今茲之志既分鄉區各爲圖矣就城區東西兩隅畧坊言共有若干姓各若干戶若干丁口以始遷之先後爲序來時同則以戶口之多者爲先仿萍志列表交各區調查員詳悉登列任何鄉區卽列何表內他徙者不與焉所云地著是也舊志率無近則多有或以爲創莫非因也氏族旣明而戶口該括於此矣五世同堂卽以附於其後固亦氏族中所不常見之

事哉今定以人物科名爲前提於初意間有出入注明

一食貨一夫百畝入口之家可以無飢計夫授田卽不啻計口授食有口而後有田而後有賦古者因田而出兵故曰可使治賦後世丁亦有稅故稱賦爲地丁也清之盛時有永不加賦之旨停止編審久矣幸未縣志遂不更載戶口今就其已載者言之道光三年口尙不足二十萬而今刼殺之餘且二十五萬有奇非流風善政休養生息不致此也光緒三十四年間戶口日增以各族之修譜知之財貨日裕以物產及商業知之夏布表紙爆竹三大宗率物土之宜而商賈所阜通以布其利鹽鈔蠲政是與戶口田賦相爲依倚者山居不靖而冀物產之興物產不

豐而期商業之盛是欲南轅而北轍也除害乃能興利通貨必先恤商果何日而得返隆平之治也與

一職官清制州縣舉其職不卑其禮舉其職使民親也不卑其禮使民敬也惟其親也故能知民間之疾苦惟其敬也故人皆有嚴憚之心而不敢肆後乃即於脫畧遂日以替而其要可得言也知縣操一縣之權佐以幕友分爲六科逮於丁役內外之界尊卑之分至嚴切矣而巡典不得擅受罰鍰例須報部所以禁煩擾杜貪黷意深遠矣廉明之宰眷屬不下堂一步幕友不外交一人權無旁落事必躬親者可縷數也即捐納大開保舉雜進信任丁役不謂絕無其人然不盡出於異途上下數十年間

吏供其職民安其業紀綱之節自有防閑而亦禮義廉恥之教維人心於不敝也教諭訓導師儒之官愛惜聲名自甘淡泊不辭廣文貧者多矣舊志名宦知縣居三之二父老流傳至今思之非獻諛貢媚可得而襲取也有謂縣志名宦嫌與定制之名宦相複今特改稱宦蹟附職官後從其類也嘉慶一統志萬載名宦止冷應徵鍾秀玉吳白肅三人獨吳公有講堂存地方戴德亦其後嗣之代有賢達哉

一學校明有教也唐詔州縣立先聖廟宋崇寧間詔州縣皆卽廟建學學宮聖廟從來以矣崇至聖先師之位而四配而十二哲而兩廡先賢先儒典制隆重以上及於先代下逮於名宦鄉賢

忠義節孝莫不由教學而來俾凡爲士者知學必本於聖賢而董之以學官又特簡學政三年兩考先以縣府考之甄錄而後試於學政而擇取之初爲附學生歲科試列一二等挨次爲增生廩生萬載小縣學額無多率重視之因多寡之數而有爭爭之不已而有分額今日都成往事回憶昔時入學與未入學諸生雖在寒微苟能發憤自強莫不膏火有賞優秀者且特別獎勵則書院之培植不少也科舉停罷書院悉改學堂奏定學堂章程高小畢業生分別等次予以廩增附之名而學堂日增畢業之廩增附倍蓰於學額而未有已也法制遞更人思苟得而昔之所謂學基學產類皆存在卽各書院之產業亦幸得保持

之有基勿壞所望執教育權者毋忘前輩之艱難庶學不惟其名惟其實蒸蒸日上以入於聖賢之域不難矣

一武備清之中葉綠營窳敗無可諱言咸同兵興終倚團勇削平大難塔齊布畢金科起於營弁卓然有名於世而不朽實則自儕於湘軍也曾文正以江西爲老營而西路進剿之兵肅啟江一枝適自株潭人萬載境其後乃游至監司及於開府建節先輩有言其時營伍中人喜接文士爭勸入幕鮮應之者毋亦坐言易而起行難與保安保和等營一再出境破賊不火而銳氣消磨立功奏績之心曾不敵其安土懷居之念匈奴未滅何以家爲有漢武帝之雄才大略一時名將熊飛虎變効力疆場

者史不絕書縣蕞爾地書生褊淺之見固未足以輕量天下士也兵衛漕船徒陳蹟爾讀斯志者知必有爲國家作干城爲地方資捍禦而奮然興起者乎見危授命殺敵捐軀殉難紳民名之曰忠義附於武事固不必諱言舍生哉

一選舉書升論秀興賢與能三代之遺也法久弊生乃一變而爲科目卽或假薦辟之名偶一行之得特達之材固不如科目之有常使天下之士盡出於此途而後快也唐制最重進士取之隘而用之寬宋則取之寬而用之隘有縣以來登科者率寥寥卽自明迄清約可指數反不若議員之以丁口資產爲衡雖不一其道而動輒有獲也科舉爲時詬病而云中八股之毒清朝

入關罕通中國文理開科取士衡鑒付之漢人科場舞弊立法綦嚴真材輩出得人稱盛備洲有進士舉人榜之大門之上而以爲榮一朝停罷謂變法以自強胡侍御速亂速亡之疏寧可覆按與科舉不可復人人能言之議員亦竟不行未必人人能料之學堂畢業而猶存進士舉人貢生之名過是眞少味矣變法不可久而白弊叢生不如不變學堂之出身民選之議員得無類是而或疑有意軒輊於其間豈其然乎

一仕宦與選舉離而二之實則縣人之仕宦半出選舉不啻合而一之也縣少顯宦亦少小官嘉慶朝進士三人一就教職一以實任知縣改教職鄉先輩淡泊縈懷不屑屑於榮利可以愧世

之蠅營苟苟施施而驕妻妾者矣官不論大小江陰閻典史鹿元幾與張睢陽爭烈陞遷上道士民挽回抗數十萬之強兵與城存亡何其壯也強克捷以知縣破獲大奸逆謀早發宗社無驚何其明且決也咸同兵興餉絀藉捐輸爲挹注巡典雜職不足百金即可到省差委挨次亦得實餉道府班崇家世盛而有奧援者亦易差委然非正途或特保則補缺永無期清季江甯候補道多至三四百人優者取十百倍之息絀者輒窮餓老死知縣親民官位卑而責重兵刑錢穀綜核維艱撫字催科措施不易一有未常或百端以撓之固宜嘗一變而知味矣武職以行伍爲正途都守而上所見亦罕封贈廕襲以本官爲進退光

前裕後人自爲之醴泉無源芝草無根其勗之哉

一 人物志非史也而可以待國史之取裁偏隅僻地豈無幽光潛德上之國史而無愧者不得名公鉅卿與夫通儒碩彥之表章卽末由自達是用兼咨博訪期於無濫尤期於無遺不必立一定之名如儒林文苑等強爲分之未必有當前志已渾言之矣考其篇第人物彙傳而後爲寓賢次列女又次仙釋方伎蓋以異端雜流不使入於人物也竊嘗思古之人生逢亂世不得已而與縉流爲伍蓮社高賢僧侶獨多周續之雷次宗皆社中人非人物耶謝靈運列寓賢之首惠遠謂其心雜不聽入社陶淵明邀之入社而終不應遠公聞其來作詩換酒飲之千古韻事

而何疑於仙釋耶范書列方術於逸民之前而終之以列女固非漫無裁制者夫列女本羅列之義今則概以節烈當之厲廉恥而厚風俗於世道人心不第爲小補而已夫爲妻綱傳節烈者書其夫之姓名於先而系之以某氏一仍前志年例相符必不以未旌而多所分別也

一藝文類輯詩文幾同文選遂使作者姓名始末俱無稽考非志體也章氏遺書言之詳矣曩葢各縣多有志書其例大率相同惟桐城志修於道光朝藝文止載書目及作者姓名四庫全書有無收入已否行世詩文散見於各條者亦甚寥乚桐城時當極盛文學之士霧起雲蒸其見解固宜高出時流也約畧仿行

采輯舊有書目注明作者姓名分類登列前志所載不稍刊落既彙入本條別爲文徵詩徵以附於後不敢謂權衡適當亦庶幾乎變而不失其正也

一辛未爲縣志最後之篇凡所已登而注明所出者一切仍舊其未注明者通曰前志新收如筆記家譜檔案及來書口述等類逐一注明歷城縣志無一不著來歷是足爲修志之法且以纂修者之藉資羣力始克輯爲成書也

一書有凡例由來已久方志分門先以文發其端遷史實創之如大史公曰及作某某第幾是也司馬索隱四言韻語後人亦多效之或居一書之前或系一篇之後總括其義便於尋繹吾力

固有所未逮也并凡例而一之畧以見編輯之意讀者諒之此
稿成於二十四年日前微有損益併註

成化丙申縣志序

繩邑不可無志也一郡非志則一郡之事蹟無所考一邑非志則
一邑之事物微可稽郡邑既志則古人之建置沿革興廢之由山
川人物風俗美惡之異遊宦政治賢否得失之殊與夫戶口貢賦
之盛衰多寡文人才子之掄揚歌詠靡不於此焉寓志豈虛文哉
予成化己丑備員於茲每觀山川秀麗風氣清淑意必有魁奇特
達之士生於其間者欲輯其志以稽前代之事物而不可得間有
得者無非因實錄之故事撮其大畧而細微曲折多有遺漏矧未

鉅梓僅出於人之掇拾紛紜舛訛不足以便人之觀覽予嘗慨之
庚寅春喜得守禮司訓邑人陳瑚與予同謀葺理是志奈釋服遽
去不果迨癸巳冬郡守榆杜常顯侯以郡志未備命各邑儒官採
集類聚以益之予幸喜得與其列於是仍取其前志未載搜訪名
山古蹟有補於風化而切要者益之於志復詢於耆人碩士非關
於時務而繁冗者弗錄損其所繁益其未載經綸始末竊附已意
釐爲四帙以供其去取遺稿未刊今歲秋予以九載秩滿行將有
期一旦諸生列館下謁予言曰志乃邑之藻鑑可以窺古今廣聞
見風化所關觀先生於邑志留心久矣茲而不梓行於世則斯邑
事物之類殆將與木石同爲朽腐願繡梓以永其傳匪爲不負先

生之用心抑且以表章斯邑事物於悠久矣因是其言遂忘固陋
命工鋟梓以慰諸生意其間魯魚亥豕未免起後人之譏也雖然
是志之作雖爲不工庶乎無掛一漏百之失倘後之人與吾同志
廣詢博采以增益其未志俾方來之生長於斯遊宦於斯得以觀
覽是書者猶可以頗知其事物之一二焉亦庶幾乎斯邑之小補
云耳教諭喻 瀆

嘉靖癸卯縣志序

邑志昔作於純皇間距七紀有奇於今湮蝕既有年矣邑人咸病
且恤之澄恆竊有志焉屬佗僚掉鞅時力未之逮歲壬寅又以小
吏事湖南竟齎志以行盡乎如求弗獲越明年側聞郡志增新矣

輒爲之慶稽古右文樹聲貞教著言立政我郡公東明范欽公用
志殷矣又安得邑如其郡竝舉厥墜哉靈之發波之涌襲其風食
其餘固將有冀心也移時果里姻邑博龍君國臣遺書澄曰東明
公入覲京師星輅經邑因進予輩屬以志事謂志紀事之書也史
之流也統志略於藩藩畧於郡七畧於邑非故畧之也悉書不勝
書也今郡志矣邑有不得僱諸郡者幾熄已爾邑舊稱名境在昔
獻哲類仍積運而興理也地以人靈有在也邑志可諉諸顧茲成
命亟圖仰效廼聯邑學生龍國賢辛御良輩相與緝閱載籍蒐稽
隱遺諮之乎耆碩參之乎鄉評卽以先是報郡志草爰加整飭闕
衍刪益譌舛釐定編年紀事義例一準郡志云業已徵文念菴羅

太史公得首肯矣若宜叙諸末簡噫茲典也曠時而興一舉式成
范公之功偉矣制集郡長翁無異議費自己出鮮有旁腋以告竣
事龍君暨諸彥豈惟有勞以庀役已哉是故可以觀志矣澄不敏
不獲操濡穎翰以從事得樂觀乃成以酬夙志幸矣矧又得以名
氏附書耶刻成僭書以識予幸若夫拊綱據目遡原窮委輝方策
垂金石信且傳於弗朽則賴有念翁之文在舉人彭澄書下
癸卯歲夏我嚴少保介溪相公推所知吉郡人士來新袁志維時
郡守東明范公檄下邑學搜採故實別示允中亦與叅稽草創以
上於是邑博陶冕以庠員龍生國賢辛生御良龍生國相彭生天
祿應命與允中更互讐校事既竣僉謀加詳成邑志板行之允中

期當計偕羈跡京師不及卒約未幾兄對山仕通入覲持書與志
抵曰志得東明公之命而翁之倡諸鄉士之贊成矣子可無言允
中展而閱之則見綱舉目張纖巨罔捐義井井矣文斐斐矣益有
感而歎曰昔何其爲之難而今又成之易也是故觀於茲而天下
四方之志可知焉蓋事之難其舉也始以其官守者承奉簡書勤
渠弗遑視此謂非急務而忽乎不與相涉土之人有有志者矣又
限於蘊藉之歉與或苦於糜費之無措也萬載自建治迄於今日
代有賢令至於鄉之先達由文學登科歷卿佐者載在志冊亦既
可考然而纂修之績遠濶無聞何邪必其賢而官守者任無久歲
而鄉達皆蚤自嚮用奔走宦途不得頻處桑梓而暇爲之故今索

其舊僅存一二亦殘斷幾不可讀而其篇端所云實自其時郡守常侯命邑博喻澹編刻以傳始也今日七十年於此矣歲改時移邑故泯泯而華顛父老將靡孑遺何恃不恐幸遇郡公涖袁政通人和使自得於湖山千里之外用能以其餘閑倦葺郡志以率先我萬載比及車轍所到獎進諸生懇令董役則上之人既非昔之傳舍吾域而恻然者倫也況於時秉筆諸彥則嘗慕子長班生之爲人故能旁羅百氏卒以旣溢之流煥昭詞藻率歸典要至於羣士夫尤協力出私羨以翼之者未有難色宜其旁無紛擾而告成果易易也自是闔境往蹟昭然在目而山水若增色與夫弊習之浮澆或因有勸懲焉則其繫於風教豈小補哉允中愧辱泥塗不

獲親攜據助涓埃顧僭言末簡用識歲月蓋實有榮耀矣若夫昭揭篇首以輝光我萬載者知已納履文儒鉅公之門而今特虛以俟也允中何敢舉人龍允中

崇禎丙子縣志序

作史者其有所閔乎閔夫世流之與俗化也閔夫地產之與天違也閔夫土确之與人悖也閔夫上有患而不下究下有隱而不上聞也於是攷覽往蹟斟酌時事稽鏡人材綠筆而書之靡爲類例合爲篇帙令覽者一舒卷而今昔之盛衰物力之盈縮藪澁之情形皆洞若列眉八其國不必費油素訪耆碩而已知之矣夫志一邑之史也作之者非第以侈人文彰形勝蓋亦有惻然之慮愀然

之思爲良爲窳漸以轉世之觀聽而不至以所聞疑所見膠而視之概而繩之以日驅其民于流散可以觀忠可以觀慈矣萬載故爲冀望邑昔號康樂故謝靈運之所封也乃今何如哉民不力於穡而浮派有加土日非其故而逃死四方者日聞俗益蠱而賦益逋閭閻之內盡囂然喪其樂生之心嗚呼是尙可以昔之康樂概之乎吳興韋使君以名進士來令是邦而會其時夙負積天災行督賦之檄紛紛雨下民不知上之如是乎急也而第仍其故上亦不知下之如是緩也而第叢其責於令之身俟軫其凋敝之實悉其逋欠之繇時時削牘而爭之又時時下教而論之周旋折旋不難以一官爲萬民之命而他非所計也蓋八載之中將荼茹藥上

未必知之而民知之民亦未必知之而天知之庶幾家視官子謝民古之循吏者非乎嗚呼安得天下盡韋侯布列有位又何患乎民生不遂盜賊不止邊鄙不靖哉侯復念邑志不可闕而湮弗及百年於是戴星之隙廣爲蒐羅雖爲斯編類例井然文彩煜然而于賦役猶三致意焉蓋侯之所以爲志也旣成以眎余而命之序惟我安成之去康樂櫛比而鄰惟我躬耕武功之麓地分親切自笑脫籍仕林長伴麋鹿因悉康樂三紀以來之卓令如我同年畢新安與今吳興韋使君先後芳猷炳烺不朽卽耽卧未獲一人咨治道而心神嚮違何幸得是編而卒業也輒肅然端拱誦之其意切其衷痾其神業業焉如有所深思而極慮筆之所至心亦傳焉

鳴呼侯之志可知矣聖人不易民而政知者不變法而治夫欲布
令於流水之源使上與下相習而不相格自非辨土物本民情求
無踐戾胡可得也萬載卽僻壤其人蓋亦沐浴先王之化而彬彬
以忠節文學知名宇縣豈其嚚梗自甘飴而忽於負上哉顧膠柱
而鼓刻舟而求木疲而欲等之富本聚而忽逼之渙則無乃師心
而治者之未調其俗而以一切臨之無惑乎民日散而土日荒也
今邑之故挈然陳於前矣是保章職方之所括也是風謠俗化之
所出也是山液水膏之所萃也是貞臣盡婦良師帥之所臚而列
也爲疲爲豐爲良爲頑爲可腴削與當喫咻不待終卷固已有咨
涕呼而曰艱哉吏也憊哉民也輶軒之史采而上之當亡有不

惘然念此羸者萬乎夫侯之爲治一邑卽披肝見肺猶一世之靈
也而是者且貽萬以百世之靈自非腴民以逞其亦誰不覽是而
惕若融若以家視官子視民如侯哉萬之民自此瘳矣將康樂者
仍還於康樂矣然則是志豈僅僅文墨議論以垂于著作之林乎
哉一日而萬載則一日而是志存也山可泐石可裂而是志必不
可朽侯之心遠矣用是標而序之以詔來茲安福進士官侍郎朱
世守

昔韓宣子聘魯觀書於太史氏見易象與魯春秋曰周禮盡在魯
矣今之志卽史也天子之志一統之典禮宗焉一國之史一國之
典禮具焉一邑之志一邑之典禮寓焉見禮知政有由然哉浙右

高唐縣志卷之二
碑考往徵來重新邑志萬固儼然周魯哉萬巖邑也亦材藪也其
山峯嶺而磋礮其水縈紆而綠波其人好修而寡和往昔不論迄
國朝龍德剛以廉訪力挽綱常捐軀靖難與同里黃太常皎皎日
月爭光他如郭少司寇易藩伯龍忝知宋都諫等項背相望或犯
顏敢諫批鱗垣闕或宣威布德鎖鑰封疆更僕未易數而以志書
湮失表章無人時移歲改久且沈淪國賦自改條鞭後萬屬江介
獨稱上疲近以兵興故混行加派累而又累十室九空催科掣肘
讀康樂民隱諸書韋侯條列其狀一字一血南糧改折尤極哀控
卽鄭俠流圖不是過也然邑無成書奸宄任意地方痛苦誰人見

聞侯慨然以文獻爲己任遠稽往牒近採新編日與薦紳子弟員
討故實探幽蹟一善之長必錄一字之微必收華袞鈇鉞纒纒洋
洋列人物則忠臣孝子之行炯然溢日記國課則流離顛連之狀
灑然愴心覽山川風氣則高人達士鍾靈毓粹以膺名卿碩輔之
選者當不乏人是志所關係非渺小也觀風大吏得賜乙夜之觀
袖章上聞萬之氓其有豸乎此侯一世之伐也且不習爲吏視已
成事侯最滿久不日以臺省召後之人繼是任者倣而行之或踵
事而增華抑烹鮮而游刃流膏贖馥與世罔極又侯萬世之伐也
先是庚申歲貴郡伯友寰公修廢舉墜力行龔黃之政重修郡志
爛然改觀泗亦忝與筆札各邑蹟傳似已具載而以府志職要書

不盡書不無掛漏今萬志幸侯續成俾府之缺者補疎者詳飾衍
刪益尤爲一郡之全書也韓宣子譽言乎哉侯名明傑別號青岑
戊辰名進士浙烏程人不肖業泗請老林下散人且不文不能具
一言以揚盛美聊附片語于篇志慶幸焉宜春進士官鴻臚寺卿
袁業泗

粵白九邱禹貢作而圖志已肇端矣然莫備於成周營之地官藏
之司馬識之宗伯若周禮大司徒職方氏外史之所掌者是秦漢
以來縷不可殫述肆惟我朝損益三代而於圖志尤加意焉方洪
武改元之三年卽令儒士魏俊民等類編天下郡縣地理形勢降
附始末爲大明志厥後復有一統志之修而郡縣亦各有圖經地

志之藏如萬雖巖邑乎曾亦有操觚以紀其盛者惟是世代遼邈
故籍殘闕不得爲完書已垂百年崇禎己巳冬西吳韋侯以名進
士領是邑承凋敝之餘休懦植僵蠶奸剔蠹凡救焚拯溺一切爲
民請命之事載在顛天四議民隱六刻者心血幾嘔手腕俱枯初
下車周咨廢墜搜縣志叛而雜考郡乘核而畧決意修復而無奈
歲災薦至未可卒舉日攜拾見聞蒐羅傳記至乙亥八月越六春
秋胸中有成竹矣遂蹶然自任曰志猶史也組事如縷貌物如繪
著隱如秉炬之畢照示遠如泐石之不磨乃令之銷沈烟草等於
斷爛篇章是誰之責歟維時進邑士大夫商評較訂片語隻字俱
出如椽謬以不肖經濟董其役剗方始忽奉朝命移所轄郡縣

各以圖志進侯益昕夕凜爲裁定案牘之暇徧訪村墟長老之口
購求野史宿儒之筆上下千百年間表章若而人總括若干卷寧
惟建置沿革山川靈蹟風俗物產種種色色較若列眉卽閭閻之
瘠阜錢穀之盈縮賦稅之完虧若繪諸圖若指諸掌凡夫黠冷忠
魂巖棲逸客孝子貞婦莫不微顯闡幽重開生面邑乘家牒事帙
時牋遺編古詠爲學士之明璫翠羽者莫不辨鼠刻魚聯珠貫玉
一展卷而爛然憶昔成周時大司徒職方氏外史之所掌亦若是
已矣琅函旣具進而獻之天子供乙夜之覽必將躍然曰山陬下
邑亦有忠肝義骨死國之難者乎亦有茹芝滄霞可用爲儀者乎
亦有倚馬作文騎驢成韻煥璧玉斗墟之曜者乎猗歟休哉迨披

至土瘠賦重流離疲瘵之景又必將惻然曰培塿松柏饒有靈氣
彼山嶙嶙何以攀躋而犁乎彼水涓涓何以一葦而航乎則壤成
賦初何以談科畸重乎彈丸黑子地磽确不毛何以竭蹶而供乎
文物之昌明方足動聖明喜而赤子之瘡痍轉以厯聖明憂其喜
者可射奎婁而迴筆架之瀾其憂者亦可挽天河而灑甘霖之潤
寬恤之詔拭目旦夕下則仁人不朽之澤萬世曷有極也濟雖伏
在草莽猶幸沐浴太平之賜敢不載筆而頌河之清因稽首爲之
書貢生譚經濟

康熙癸亥縣志序

志者何志邑之所有也有歷久鮮變者如山川城池壇壝之屬一

徵之卽足以紀信因之可也有歷久稍變者如官司兵衛祠廟之屬細考之亦足以紀信仍之可也有歷久屢變者如戶口賦役陂渠之屬詳核之不特足以紀信而兼可以垂世志之不可不晰也今聖天子削平僭逆寰宇雍熙島嶼遐荒靡不革面因命天下郡縣纂修圖志彙輯上陳以大天下一統之義此誠千萬年難觀盛典植也備員茲土躬際斯會乃延訪碩彥博採遺聞備悉纖毫甯繁毋漏而其所尤加意者在戶口諸篇蓋緣萬邑處江右奧隅高山叢逼土脈枯浮兵戈早潦之文載籍迭見以故士鮮卒業農乏蓋藏工無售技之貧商絕懋遷之物在七十八州縣內夙稱上疲近自吳逆肆狂兵寇連毒屠洗焚掠愈不可問雖數年來荷各上

臺殷殷於元氣之復漸覺甯止然而休養生聚正未敢以旦夕計夫一邑之史所記所載大畧因民而有民生遂則記載之事皆效零牛角故牧斯土者能於邦本注切豈惟風俗返醜忠厚懋著爲邑之光卽草木禽魚見諸篇牘皆休徵而足嘉也植是以於戶口諸編三致意云知縣常維植

雍正癸丑縣志序

萬邑志乘自康熙癸亥年編輯至今垂經五十年其中典故制作建置沿革隨時遞更不有記載何以傳後年歲旣久則故老日稀文獻不足後之人亦奚所據而爲踵事增華之地也且前志刻板十亡一二三挂漏旣多卷不成帙因集邑中紳士撝拾癸亥以來事

蹟故實依類增入俾不至於湮沒遺忘而采復於其中斟酌裁訂
惟期實而不誣信而可徵以垂不朽至於前志所載悉仍其舊今
止補其殘闕未敢少有刪潤繕修之道如是而已惟是萬之爲邑
地僻山多壤瘠賦重民難供輸而苦於敲扑第以今日而較之往
昔完納者猶能恪遵功令不致後時故采於田賦戶口之篇存舊
著新不厭詳復夫苟旱潦螟螽之不作大有屢書則賦雖重而民
猶可給不然者萬之供輸猶難言之也夫鑑水知貌鑑古知今合
新舊之牒而讀之則知夫隆替興衰悉本於天時人事而袖救轉
移之權則操於臨民上者繼是而作者夫亦善其所操以乘時利
物豈非萬之幸哉采媿不文無所發明謹就續修之事聊贅數言

于簡端知縣汪元采

道光壬辰縣志序

史之擅長也在乎才學識而志爲史之流其體例紀載有可以信
今傳後者亦惟於才學識中求之邑之有志自李吉甫志郡縣始
厥後邑各輯志罔不哀勒成書顧未深討乎體例之條貫與紀載
之謹嚴不失之闕誤卽失之蕪濫而爲世詬病焉昔高似孫之志
曠縣也徵引賅洽多唐以前遺文軼事於先賢傳必注所據之書
可爲紀人物之法於山水仿酈道元水經注脈絡井井可爲紀山
水之法武功志撰自康海取舊志之繁濫概從芟削書僅七篇而
義例分明綱目具括朝邑志撰自韓邦靖上卷僅四篇下卷僅三

篇上下數千年包括鉅細叙次點綴若有餘閒而無局促束縛之迹之數書者世共推爲絕作豈非其才其學其識固卓越乎後人哉夫以後人之才學識之不逮乎古必欲規仿古人之著作以求合微論形弗似也卽形似矣而神弗肖曷由臻乎志之善哉余友萬載郭君星嶠究心史學以副車教習官學生居京師有年戊辰成進士與余同出豐潤劉夫子之門今春余奉命來撫江右星嶠出所輯志乘示余廼諦審新輯互證舊志見其於舊志事涉瑣屑文近鄙俚者修之使近乎醇飾之使歸於雅可以知其才焉於舊志之承訛襲謬一一辨正沿革山水田賦武事等篇舊志脫畧先賢名爵文翰軼事亦多遺漏悉據史傳及各志集補輯之可以知

其學焉且於舊志人物陳志譏其濫者釐而爲正傳彙傳選舉則首科名次仕籍若雜進之已登仕途者具錄其餘弗錄凜然有名器不假之思尤可以知其識焉雖立綱分目本程中丞體例與曠縣武功諸志不必盡合要其紀載謹嚴無闕誤蕪濫之失可不謂志之善本乎時方付劄牘氏因據言之以弁諸簡江西巡撫周之琦

萬載古稱康樂地多佳山水隸於袁而予友星嶠家在焉嘉慶戊辰居禮部試予適與星嶠同出中翰劉夫子之門因曾接雅相得也旣而捧檄分馳未由聚晤荏苒竟閱二十五稔矣今春予奉命分藩來江右而星嶠已假歸鬚髮皤然相見懽甚詢近作出所輯

邑志未刊成者見教并以序請余廼從而徧覽之見其體例既明
紀載徵實前令衛松甫已序其概而於沿革氣候風俗山川辛筠
谷少宰稱爲典雅詳贍勝舊書數倍者序良不誣然祇分優其美
究未統論乎全也予惟志爲史之類而作史莫難於志以其體裁
頗異也史兼書惡志則主乎彰善縣志之脩較郡志省志亦頗異
郡省之志取乎簡而縣志取乎詳不詳則多所遺遺無貴於志也
第詳而弗核恐失諸濫濫豈志云乎哉茲志之輯凡前志所存者
無一人一事之或遺卽前志之所遺者廣蒐而補錄之幾於遺無
所遺矣而更從遺無所遺之中核其人之事屬鄙瑣文不雅馴者
從中刪節不復使之鄰於濫如田賦漕政武事文藝諸篇固已補

錄無遺而其於選舉人物尤足徵紀載慎重不失乎循名責實之
思尙何濫之有歟要其大旨之所存總不離乎程中丞所發章程
爲近是若目在綱若金從范實以定羣疑而不致義例之叅差由
是而郡志而省志知必有脗合焉者可不謂邑志之善本也乎顧
予獨念通志之修距今幾百年矣曩歲川川中丞謀興修未果此
固守土者之責抑亦鄉先生有分任之責焉徵文攷獻其能漠然
無所動於懷乎茲喜同門星嶠能從事於斯俾康樂先有成書也
不禁擗管序之以爲勸江西布政使鍾祥

邑之有志越數十年必當修所以備太史之採樹一方之觀宰治
者卽其風土揆今昔之宜以興教立養者也余以辛巳之春來任

是邑取舊志觀之距今幾百年矣欲續之每與邑人士相見諮詢
文獻以事至鄉流連山溪間與父老談先民遺俗近時情形鄉前
輩李厚岡先生富於考據者索所留圖記置案頭以公牘殷繁才
有不給無暇取舊志叅合博採成書明年程月川先生來撫是邦
提採各州縣以修首志因集紳耆議先修縣志皆欣然樂輸工資
以應第事缺年多搜羅不易爰屬各鄉雅善之士悉心採訪毋有
所遺適名進士郭星嶠先生旋里造門邀之合邑之致仕而歸與
公車未上貢太學而在籍在庠諸生之積學能文章者分手編輯
同心勘摩數月成稿郵寄都中請正於鄉先達司空辛筠谷先生
時余有瀋陽之役往返經年旋任未久而羸且病故未遑筆墨從

事其間今者引疾去矣而筠谷先生以志稿還既訂正之又獎勵
之余以風塵末吏久荒學殖自愧不文賴邑人士之鼓舞勤勉先
達名公之督勉裁合獲成是書竊與有榮幸焉是書體例既明紀
載從實前哲征事足以資考鏡節義善行足以勵時風其山川土
田之所宜陂渠津梁之所便戶口賦稅之所生聚學校選舉之所
登進尤爲宰者所宜周知因時隨地以爲理者非具文也萬邑在
羣山之中田不過十之二三近年多所樹蓄財貨以通四民儉樸
習勤皆有以謀其生族姓崇建祠堂尊祖敬宗以睦其族上下之
分男女之別禮義存焉相與講學術育賢才人文其日盛矣其維
持而漸磨之以承國家重熙累洽之化共登邳隆則邑宰之責也

高書集卷之六
余之庸鈍假蹇任茲回五年唯是勞形案牘未暇與斯民進圖所
爲教養之道而遂以病去余之愧也其攜是書以歸諦觀而熟籌
之求其可施於時者他日痊起復來茲土與邑人士勉行其所未
逮焉知縣衛鶴鳴

萬載縣志道光三年修閱十稔至今而始成何若是之難也余往
者攝縣事聞志久有稿借觀之蓋刊者半半以浮言故未刊何若
是之舛也亟議刊全而因循載餘不果是誰之過與余滋愧焉今
夏幸萍鄉與萬密邇而萬邑鄉先生以志來居然成書是向所深
咎其未成而亟望其成者而今竟獲成以是知邑之人羣疑盡釋
而相忘於大道之公也夫志史之餘其體宜嚴紀宜實採擇宜詳

論斷宜正與作史等第一邑之志其不能與國語兩漢晉魏唐宋
諸書相較也明矣以今人之才之識其不能與左遷班范司馬歐
陽諸公爭長而絜短也又明矣然而當日之論之評之譏之糾之
辨正之刪改之是非錯雜謠詠旁興未嘗爲諸公少恕而卒無損
於諸公無累於諸公之著作而謂區區邑乘必能無毫髮濫遺懸
諸國門不可增損一字問諸作者之心其亦未敢自信也第一邑
地近事易實以邑人修邑志蒐輯易詳在邑言邑當不敢以己意
爲筆削之三者要可信是志也邑人士各置一編平心而靜讀之
爲畧爲詳或得或失必有能辨之者大抵著書立說各視其人之
識與才而以不詭於正爲是固不能每人而悅之也况志以垂久

遠不能阿所好亦不能使鄉人皆好則何如聽鄉人之自好之而自惡之也哉余因斯志之宜成而難成幾幾不獲成而忽成而不禁爲萬邑諸君子解前惑且志喜也於是乎書著知縣楊際華縣志縣令之鑑也故下車必閱志風土人情得悉焉辛未十月余捧檄來萬載自郡之縣見山川之秀人物之都心竊喜之然欲覽全邑之形勝與建置之沿革習尚之移易而思所以整齊而化導之舍志無由檢舊志已越九十餘年多訛闕而新志稿具未刊不獲借讀將圖治無考鏡資譬如終夜有求於幽室之中非燭何見徒俵俵耳今秋分校省闈旣竣事晤邑中鄉先生郭星嶠進士於客邸以志刊成告出一帙見亦體例謹嚴稽核詳贍美哉言之果

足志也今而後余知所以治萬載矣讀疆域城池諸志而知龍山烏水易守也讀田賦土產諸志而知禾麻茶竹易蓄也讀學校與藝文志而知士先器識黜其浮讀戶口與風俗志而知民尚澹龐鋤其莠名宦之善政師之鄉賢之盛德表之兵衛以和衷協之祥異以修省弭之行將與邑人士振作休養上康樂之書以仰副聖天子諄諭牧令勤求治理之至意在此志也而能不寶之爲鑑也乎抑余更有幸焉志之修始衛松甫先生中間若楊肖巖武曉谷陳訥齋林鼎甫四明府皆與其事者也若趙子厚以宜春令兼理萬邑若龔松五僅攝縣事十有二日之兩令尹者未遑厥志者也若湯秋漁故尹則見其刊而未成者也若楊藕塘署令則欲趣其

刊全而仍因循未果者也乃至余而適觀其成豈斯志之成固有其時耶抑豈余於斯邑有獨親故得志以爲治本耶遂覺與向者初入境竊喜之心交暢於中而不能自已也爰志一言於簡知縣龔士範

一統志起於州縣由州縣而郡而省以達於國史館州縣之志有關說則郡志以上胥因之故縣志不可不慎也凡諸志皆史類然史紀一代之事可一脩而畢惟志則各州縣事蹟歷二三十年動多增減不有續脩何以備文獻而資攷鏡哉吾縣志自雍正十一年汪邑侯重修後遙遙至今幾及百年中間歷任之宰官師儒邑人之選舉仕宦學額之增設分合與一切政蹟事實闕焉弗載將

恐人漸訛失昔與民部質夫先生官京師昔曾具公啟并致書來侯請厚岡李先生主修皆李方致仕家居也後各以事不果李先生旋逝邑之賢能同志半就凋謝或就試京師或遠官四方茲事以成愍寘矣近值史館方修一統志中丞程月川先生來撫江右首以爲重先頒修志章程於各屬而大名衛松甫先生適莅吾邑不數月政通人和公私畢治乃擇邑人之賢明有文望者任以編纂其公正勤敏者分董志局稿既成郵寄都中先以示益時益祇役陪京兩月始返兼以禮部攝銓政奉職彌殷未遑文翰之事也旋奉恩命視學江左試期方迫匆匆就道亦竟無暇展觀今科試告竣公事稍閒乃取志稿畧觀大概體例既歸精富其沿革氣候

風俗山川典雅詳贍勝舊書數倍其他叙次亦皆切實簡要讀之
權喜既以嘆衛公倡率之美且嘉諸君子編纂暨同事之公且勤
而能不負所擇也惜益遠宦天涯不獲與諸君子襄事其間然以
十數年前官京師與質夫先生所志焉未逮者今一旦獲觀厥成
豈非厚幸惜乎質夫先生不及見也茲志也成爲郡志省志之根
他日彙人大清一統志俾吾縣先後文獻皆得上達史館衛公與
諸君子修葺之功豈淺乎知開梓在卽因亟綴數行郵歸以志慶
二甲一名進士時以侍郎官江蘇學政辛從益
同治辛未縣志序

古者太史采風詩三百篇風雅頌莫不頒在樂官被諸管絃凡以
大一統美俗尚也邑之有志卽采風意要在一道德同風俗何本
邑志先以土著聞夫何邑無志何志不一體而必分門別戶成涇
渭異流之勢誠以天下事有通權達變良非得已者自學額案定
垂六十年來彼此無間言蓋火則相安相安則相契雖吳越不難
爲秦晉且兵燹之興英才輩出聚族於斯廬基於斯者莫不同仇
敵愾與鄉之人協力捍衛縱風鶴之警幾無虛歲而眾志成城安
如磐石誰謂土客之果得而分哉庚午大府檄府廳州縣各修志
乘邑諸紳不欲因其舊也進而質諸余余不才何足以議典禮然
徵文考獻政事以之况同處聲明文物之邦都人士雅能以禮相
接以情相聯上追乎康樂和親之治尺地玉土安用畛域爲乃不

高唐縣志卷之二
憚一言爲之決爰集諸名哲交相考訂不數月而告成夫數百年曠缺之舉累萬言聚訟之端欲後之人起而纂輯之使渾同而化無形迹之外亦太非易易乃一轉圜而眾論翕然或筆或削理與法具此二百年來所未有誠不朽盛業已雖然志者志也一字之增損繫乎萬姓之好惡向非秉筆諸君子克洞達事體一衷諸在邑言邑大公無我之風又烏知不格於主客之見而能眾口稱善若是乎余幸斯志之分而得合而嘉士大夫之善善從長也於是乎書同治十年辛未仲夏月知縣金第謹序

之則安知風土人情爲何如且風土人情或十年而變或數十年而變僅閱舊志亦恐有未能盡悉者則續修誠不可緩也萬邑舊有志乘久而未修同治庚午中丞劉公督修省志檄提縣志備採前令王君仁甫因集紳議修縣志適以病去吾浙金翥雲署篆始設局續修因諸紳計偕北上不數月罷局草創而未修飾辛未夏余來任是邑卽邀紳起局俾修飾而加潤色焉於今孟夏告成體例悉遵中丞筆削亦臻妥善其風土人情一展卷而瞭然謂之縣志可卽謂之治譜亦可蓋閱其水利田賦土產諸志可知養民之道焉閱其書院風俗諸志可知教民之道焉閱其山川形勢兵衛武事諸志可知禦寇安民之道焉且名宦志所編在宋有徐昇王

俱林景達冷應徵在明有舒仲誠汪悠久陸璣畢懋良姚繼舜國
朝有吳自肅常維楨施昭庭張立中此數十人皆能好民好惡民
惡而不愧為民之父母者余得取而為治縣之鑑焉茲志之成豈
非余之幸也夫抑不獨余之幸也萬雖編小自古迄今萬數千年
間民數不知幾千萬億皆與草木同腐其得編入人物而名不朽
於後世者不過一百數十人豈可不自立乎觀斯志者豈無有感
發興起而亟思媲美前賢者乎人之欲善誰不如我余願為名宦
想邑人亦必願為鄉賢則茲志之成又豈獨余之幸也夫時方付
梓人爰書數言於簡端同治十一年壬申夏月知縣杜紹彬

續修萬載縣志職員

督修

張薌甫

姜懷素

譚詠秋

纂修

龍賡言

編修

辛觀濤

謝濟沂

盧兆梅

協修

龍濟海

袁炳宸

王乘風

李祖謙

劉殿虎

辛煥鎰

彭鼎

曾拜颺

郭安

彭德威

經理

湯克勛

採訪

聞濟時

龍元藩

歐陽沂

楊景頤

盧澈簧

鄒向榮

王權

辛超

宋光漢 張國維 彭繼明

校勘 藍文彪 王明德 辛薰陶 翟漢仲

李淑元

繕寫 謝庭蘭 龍在田 龍翔 龍沐陶

萬載縣志總目

卷首

序 分序 凡例 原序 續修職員 圖附說

城池 坊市 都峯 黨務紀錄

卷一之一

方輿

星野 沿革 形勢 隘塞

卷一之二

方輿

山川 總括分紀



疆域

卷一之三

方輿

氣候 祥異 風俗 古蹟 封爵

卷二之一

營建

機場 公路 橋渡附論 公廨

卷二之二

營建

倉 陂堰塘閘 泉井洲池 公所并裁廢及縣外

卷二之三

營建

祠廟公廨 塋墓 寺觀 塔

卷三

氏族

宗姓表 壽民 五世同堂

卷四之一

食貨

田賦附清末元明

卷四之二

食貨

屯田 雜稅表 戶口表 鹽鈔 蠲政

卷四之三

食貨

土產表 錢幣論 力役 商業商會表 農工會 合作社

卷五

職官

秩官表 宦蹟

卷六之一

學校

學宮 學制 學額 學基 學產

卷六之二

學校

縣中 書院 公私高小

卷七之一

武備

征兵 兵衛

卷七之二

武備

戰事 義民附傳

卷八

選舉

貢生 舉人 進士 畢業

卷九

仕宦

文仕 武仕 封贈

卷十之一

人物

列傳一

卷十之二

人物

列傳二

卷十之三

人物

彙傳 寓賢 方技 仙釋 雜記

卷十一之一

列女

貞女 烈婦 節孝

卷十一之二

列女

節孝 壽婦 五世同堂 才女 義婦

卷十二

藝文

卷尾

案牘

考額

浮收

團練

地界

後序

跋


文徵詩徵合編

圖說


周禮天官司會掌書契版圖版謂戶籍圖謂土地形象田疇廣狹
 壤則攸更山川不改辛未縣境全圖一仍道光郭志之舊分別鄉
 都畧注地名據圖以求可得縣境之大凡城有圖而列坊名及建
 置五鄉則圖所不及而於都畧門則詳叙某鄉某都某畧某地名
 自南唐及今未之有政明初分六區而完糧冊籍及鄉人報賽等
 動稱某鄉某都某畧而不言區區制第見於都畧按語蓋其後焉
 者也某區屬某鄉都即可按圖以索而凡注為某都人者年久如
 新今之志因非革續非創也吾國而進於大同則是圖可以推之
 數百千年而不虞滯礙通達治體者可以審所從事焉



縣境疆域全圖 每方五里



華英石印局代印



後學李淑元仿李先生先中舊圖繪

治城偏居縣境東南廣一百三十五里袤一百一十五里四至八到以治城為準

東至上高縣界一十五里以櫟頭山即今茶亭嶺為界自界到上高縣

九十里

舊按嘉定志洪武志此界同明一統志亦界櫟頭山但誤作三十里安志櫟頭山在上高縣西一百里謝志以墮落江為界誤墮落江即大樂岡尚在界內五里

西至湖南瀏陽縣界一百二十里以鐵山為界自界到瀏陽縣一百二十里

舊按嘉定志元一統志謝志府縣舊志俱界棖樹嶺誤也嶺故

在縣西北隅今從洪武志鐵山為界瀏陽志鐵山界在縣南一百二十里界江西萬載縣

南至宜春縣界一十五里以周家市萬家腦為界自界到宜春縣七十五里

舊按洪武志作周家市通志嘉定志李志縣舊志俱作甘泉市名異地同也攷宜春志北至萬載亂石里為界六十五里嘉定志元一統志並同又按宋杜綰雲林石譜萬載縣去縣十餘里石無數出野田間地名亂石里實不止十餘里杜誤即今八角亭故梁尚

存題為宜萬同修知宋元分界在此明時始改今從洪武志北至銅鼓縣界一百里以大陽嶺為界自界到縣一百六十里

舊按嘉定志元一統志府縣舊制俱誤作一百八十里穀皮嶺為界今穀皮嶺實在境內二十餘里並非分界故從洪武志作大陽嶺但洪武志舊志以此界為西北方位不合正之東南至上高縣界一十五里以石灰嶺南塘凹為界自界到上高縣一百一十五里

舊按嘉定志東南到分宜縣石灰嶺界十五里府縣舊志俱同今此界接壤上高正之又按舊志成俗上里三都三岳載有江南攷江南北境久隸上高此蓋指仙姑嶺北江南南境與二都一岳黃家嶺毗連者其界以仙姑嶺脊分水殆近時方被侵削歟賦稅有常而疆域日狹必有受其病者然不可究詰矣

西南至宜春縣界九十里以亂石嶺為界自界到宜春縣九十里舊按洪武志西南到萍鄉界株木橋今此界實不接萍鄉或明時縣境如是茲從嘉定志府縣舊志作宜春縣界但舊載千秋嶺誤又按荊州記淶水出豫章康樂縣府志萍鄉縣北七十里上栗市有淶水洞又云栗市江源出楚山由上栗市至香水渡趨淶口據此則上栗市舊固縣境又萍志東北境有康樂里與萬載鄉毘連必其地曾隸康樂故名里又陳節墓志云葬高安縣萬載鄉新賢里錢田村原今乃為宜春輦下知往時縣境甚廣漸割屬鄰封耳

東北至宜豐縣界六十里以皂山連香嶺並戒香嶺石牛山為界

自界到宜豐縣五十里稍東至上高界五十里以塔村逢茅嶺並
蘆洲文昌閣為界自界到上高縣七十里

舊按嘉定志界同惟誤作五十里至蓮香嶺舊志亦然連香嶺
一名香源坳府志香訛昌

西北至湖南瀏陽縣界一百二十里以猿樹嶺為界自界到瀏陽
縣一百二十里

舊按嘉定志府縣舊志作峯子嶺今進城鄉嶺裏里有楓梓廟
前當即其地通志作龍圖廟二地俱在正西與洪武志以正北
之大陽嶺為此界者同一誤也


自縣出東門至省城計程三百六十里至

首都計程一千一百里惟輪船火車瞬息飛行有難以常程測者
况飛機乎瞻望石頭如在咫尺

舊按通志以東至為東陸大路西至為小陸路南至為南陸大
路西北為西陸大路雖非四至八到成式於連界相通道路頗
便觀覽然八到俱有小陸路如西北往修水東北往宜豐東南
往上高分宜西南由後槎往宜春皆是也通志未詳而西至界
瀏陽又誤云自縣出北門過龍河渡亦與方隅道塗不合此編
據現在地境畧加訂正又通志兼列水路舊志缺載補錄於後
一自縣治龍河渡往上一百四十里至棗木橋宜春縣茗湖嶺發
源交界止一自龍河渡往下三十里至埠頭上高縣交界

前志縣上
冠府今刪

城區圖



後學鮑友仁仿李先先生光宁舊圖繪

古城在今治東北四十里羅城孫吳黃武中建名陽樂城晉改康樂唐時徙龍山下即今縣治嘉定志自是無改惟徐昇修縣治記有劇賊據郭郭語知宋時有城也元季劉仁據縣築城為四門周五里城今建坊明初仁弟敬歸服僅存北門城樓設牌柵為防護正德六年華林盜起知縣陸璫議建城八年知縣王旬就水西立子城三年門東雙虹西勝跡南南浦十三年知縣張邦穀合東西置城築土垣架木覆瓦高丈餘下廣一丈四尺上廣八尺東西相距二里南北一里延袤一千二百三十一丈約六里二百步立七門石砌其四各建樓三間東朝京南南浦西錦衣北龍江又小南門小北門小龍江門惟龍江烏石江隔流龍江因石橋烏石江用木柵以屬於

城未幾橋決嘉靖元年知縣盧秉章修復之左右設二小門一通大北門外水次倉一通龍河渡後為龍河於烏石柵右開一小門通東岐等處後名仁和名烏溪二十二年知府范欽縣李參諭義民修城改東曰通吳西適楚南朝陽北拱辰各小門仍故四十三年署縣推官郭諫臣重修萬厯初知府鄭惇典先後檄縣徐一唯陳王廷修葺門樓更額迎春適楚萬春望闕嗣知縣感廷效及署縣教諭鍾以召次第繕完易以磚石改額四門東元生南亨育西利收北貞藏十五年李大鑿兵變後知縣張履中中請修葺四十三年知縣倫應祥四十六年知縣姚繼舜天啟五年知縣石柱國崇禎二年知縣李世瑀先後支帑修築旋圮其龍河烏溪二哨當水衝

木柵不時更換中間廩生譚經濟重修龍河橋改三洞為一崇禎五年流寇逼吉安知府田有年捐俸知縣章明傑又自捐歲其役烏溪易石柵龍河重建左關麗譙八年五月久雨壞十五年天井窩賊起連年被兵清康熙三年知府李芳春躬行按閱請於巡撫董衛國守道施閔章率知縣范廷鳳等各捐修南浦龍河烏溪並設木柵十三年後棚寇陷城二次知縣吳自肅捐貲設柵三十六所十八年二十一年知縣常維損捐補雍正七年知縣許松信葺完三十餘丈新四門城樓更額東朝陽南文明西阜成北拱極乾隆八年知縣嚴在昌請帑修計周千百六十四丈高一丈加女牆五尺厚七尺堞口千一百六十四箇窩舖十六間為大門四小門

五其三水門皆屬以石橋設柵道光三年署縣楊獻弼捐建東門城樓六年知縣陳文衡捐建南門城樓改額迎薰咸豐四年署縣李皓率紳民捐貲重修武舉吳炳楮等東門舉人楊羅峯職員郭彬士等西北二門舉人曹瑞祥生員馮煥金等南門周圍高厚規制如前

城外無池然水管頭水穿東北城烏石江水穿烏溪門竹山洞田北郭村諸水穿南浦橋毛家冲水穿西南城北壇水穿北城俱入龍江北達蜀江濟池為衛因勢利導易易也

二十一年冬又經六十二師百八四族鍾先仁督兵修整

民國二十年十八師易振湘督團兵修整

舊志跋云郡志實載動支官項修理不干於民民既苦於力詘

官亦難於屢支諸山水勢既以城為壑補苴塗飾又以動支官銀為壑是城實漏卮也又云城內外隙地各大有奇被侵削基薄易傾甚而以屋貼城園土傍城不通馬足卒然有警與無城同自從變亂拆屋廢園資其保障者屢矣

按縣境以城內為出治之所故次城池於疆域民國初年紛紛議拆偏隅僻壤幸得保存亦尚可以限奔突之眾而備緩急之虞迭遭空襲有若建標而數百年之封守剗削於無形蓋不勝時勢之感云

萬載立縣時統高侯萬載進城康樂四鄉南唐改高侯為懷舊宋南渡後改康樂為歐桂旋分歐桂東西遂為五鄉其時城統四坊鄉統二十八里明洪武初因鄉定區區設糧長四人在城分二隅統十九坊為一區故有六區鄉分二十四都設嵩凡一百有四嵩編十甲輪甲充長隅嵩曰坊長鄉嵩曰保里正宏治八年知縣張文增西隅一嵩崇禎時知縣韋明傑省二十四都一嵩數適相當清初省城坊為十三餘俱仍舊

按前志分坊水東岸九坊為建城安仁仁壽集賢康樂龍江興仁福壽南浦水西岸七坊為明德錦衣興賢宋家建安並注明各坊所屬地址乃於都嵩門重叙各坊以仁壽南浦入西隅屬西都在水西岸不載地址但為遷就東西都嵩各有七坊不復計其水之是否無異削足以齊履矣今將前坊合併以省重複

而街市附焉俗習相沿十三坊以宋家全屬城外也

東隅為東都在水東岸統屬四

一 舊 建城坊 縣治東門內外 九仙宮 茶山壘路下 舊志治東有游

家巷疑 即此

安仁坊 治東北 九仙宮 孚惠廟前 百歲坊 錢家嶺 後塘坑 舊志李徵古居此得名

二 舊 集賢坊 治北 周家塘壘上 雪洞裏 朱衣巷 舊志吳澄虞集揭傒斯歐陽元嘗集黃壁家

名故

康樂坊 大北關內 龍河門內 柴巷口 雪洞裏 華山頭巷 王家山 譚家巷 林家巷

舊有教 家巷廢

龍江坊 大北關外 龍河門外 水府祠 馬魁山 龍江亭 竹山 大路 何家巷 涼亭庵

三 舊 興仁坊 治北 雙虹橋 務前街 揚家山巷 中街上 截右 林家山巷 中街 下截右 舊志坊在果巷口 廖

洪居此有孝子坊 廢 舊有福慶坊 今併此

四 舊 福壽坊 治東南 後街裏 營房側巷 文明塔下 水坑裏 下岐祠 院山裏 雞籠山下

按黃冊為壽山福海二坊 韋志已合為一 又舊 有徐家巷在壽山坊廢 舊本二坊 今併雍正

審冊誤以明德入此 舊 今從舊志

西隅為西都在水西岸統屬四 原統三 舊

一 舊 明德坊 治西 衙前 崔家巷 達筆架山 龍江山巷 達司背 倉前 學前 司背 鄧家巷 達街

背在署西 街柵欄右

錦衣坊 西門內外 冷家巷 在考棚後 烏柵欄 滾里 臥鬼嶺 毛家冲 黃泥巷 審冊誤

載與賢文昌 今從舊志

二畝 興賢坊

治南 再思橋 何家巷南門嶺 江下 田
舊志歐陽朝嘗讀書此坊後登第故名

三畝 南浦坊

大南門內外 花園裏 吼裏墩 櫛樹江橋
舊有文昌坊今併入明德
審冊有濠嶺今併入此坊

宋家坊

小南門外 天波墩 兩河山橋 全蓋至往
水口大路

四畝 建安坊

治西北 靜安寺前 文昌閣下 林家磨

仁壽坊

治東北 小北閣內外 殿塘 水口裏
西支布 松樹腦 山峽冲臺

舊按嘉定志有孝義裕眾肅政雙桂四坊洪武志坊十六曰絃
歌崇文興仁康樂集賢福慶安仁福壽仁壽建城宣化文昌孝
義錦衣清寧興賢致黃冊為十九坊無絃歌崇文興仁宣化孝
義清寧別有濠嶺明德宋家南浦壽山福海建安大田仁孝然

總目無興仁而東隅三畝有興仁總目有福壽大田而各畝無福
壽大田蓋坊名時有更易舊志仍十九今仁孝文昌濠嶺大田福
慶皆廢所存惟十四

街市

衙前大街

明德坊東達倉前街西達天符廟街南達再思橋街

學前文昌閣街

建安坊右達雙虹橋左直達靜安寺崇文堰草
志為新街在布政分司前

天符廟前街

錦衣坊直達西關草志有啟聖廟前街今不知所

在

再思橋街

興賢坊直達小南門關

小南門城外街 宋家坊

大南門城內外街 南浦坊

西門城外街 錦衣坊

雙虹橋頭務前大街 興仁坊右達後街左達王家山明時設稅

務所於此

後街 福壽坊陳家樓前左轉達城隍廟右達雙虹橋務前街

志在城隍廟左福壽坊

王家山大街 康樂坊東達柴巷口西達木橋頭街


朱衣巷口大街 集賢坊直達孚惠廟前街

孚惠廟前大街 安仁坊直達九仙塘街

東門城內外街 建城坊 舊志內為陶家嶺街

大北關城內外街 康樂坊 龍江坊 舊志內為石臺山街

小北關城內外街 仁壽坊 舊志內為北路口街



懷舊鄉統九都三十一畝

原名高侯鄉因高朝侯陳大乞也南唐以李徵古奉放政

一都待賢下里統畝五

一畝 大樂岡 新田 上涂泉 嚴坑

二畝 大樂岡 泉波 下涂泉 大板墩

三畝 高塘 煙塘 塔前 蓮塘

四畝 涂口 英山 大東嶼 黃荆布 丁田

五畝 小江西 長江上 石岐 李家渡 小東嶼

二都成俗下里統畝四

一畝 東岐 黃家嶺 麻田布 龍高布 石神廟

二畝 呼田 棧下 黃土嶺 喬居 正源冲

三畝 多江

四畝 湖上 龍河漫 南田 獅岩 江口

三都成俗上里統畝三

一畝 田北 村背 石上 黃田 兩河三橋

二畝 馬步 銀山村 白沙 魯塘 穩塘

三畝 五里牌 冷家坊 張家塘 村背 江南 澄塘

四都待賢上里統畝二

一畝 周家市 郭村鋪 石溪 城塘墜 王家坊 下澤

二畝 竹山洞 白洋湖 礫上 石笏裏 高田 蒂塘

五都恩仁上里統畝三

一畝 黃村 小步
 桃塢 關田
 二畝 後塘 村頭
 暑往冲 裏壑
 三畝 炊藜 奇圓 白塔 村頭 竹渡 柴源

六都谷村里統畝三

一畝 谷源 礫下
 高橋 雍江
 二畝 細村 何家邊
 挑源 石舍頭
 三畝 南窯 上巷 高田 蔣家渡

七都緬村里統畝三

一畝 鏡田 霞陔 馬腦嶺
 未埠 岐園
 二畝 北窯 中村橋 梅源嶺
 大平山 山田冲 黃村橋
 三畝 鈴田 紹江 破田 龍布頭 車上

八都萱村里統畝四

一畝 石波頭 五家山 小江邊 深塘 茂上 一昌橋
 原名高城里相得高胡後
 聚徒遺址南唐政孕秀

二畝 黃江 黃花布 瓦宅 金阮嶺 小田 陳家渡

三畝 高城 下院 李家園
 官倉前 高橋
 四畝 官莊 裏路 涂家冲
 下路塘 上鐵坑

九都擢秀新賢二里統畝四

一畝 橫山 井塘 礫上
 山田 鍾家坊
 二畝 大坪 礫山 破江 禮山
 湯家坊 周嶺 上峯
 三畝 小關嶺 樓亂 魯塘布
 雲崑院前 新塘 鳳嶺
 四畝 長水橋 柴田 藍田 山口
 田心 平步 樓下

市鎮

郭村市 距縣南八里
 周家市 縣南十五里
 高城市 縣西二十里

禮山市 縣西三十里
 藍田市 縣西四十五里
 奇圃市 縣西十五里
 今廢

丁田橋市 縣北十里

十都新開里統箇六

一箇 桐樹江 車坡頭 上源田
嚴坪 干處 冷鋪前

二箇 沙江橋 池下
橫冲 息林院前

三箇 何家源 陂田 灘下
湖塘 蕭家坊

四箇 竹山冲 小溪 陽塘 濠田
大埠頭 東邊山下

五箇 烏石塘 古湯 城下 路下 古蹟嶺
塘頭漿 高家坊 長塘源

六箇 大布頭 歐江 潭埠 車田 大嶺下 雞冠石

十一都新賢外長安二里統箇三

一箇 高陂橋 長山裏 催田 一箇屬新賢外里
俗稱萬載園不肯改易亦恭敬桑梓之誼也 麻塘步

二箇 朱溪橋 後樣 三箇 朱嵐尖 亂石嶺 楊江橋
馬蘭頭 上獲江 獲富

分田 樹樹潭 獲富

十二都新賢里統箇二

一箇 金鐘湖 查林殿 燒田殿 周陂橋 黃茅 西源嶺 磨灣村
田春裏 文家坊 觀音岩 單屯裏 蓮塘 方家坳 張家坊

二箇 鐵山界 南源冲 楓子塘 白石 改江 觀前
甘家坊 朝天馬 大水源 廟背 黃茅 店前

十三都霞峯里統箇三

一箇 仙居橋 馬鞍嶺 卍家田 南嶺
中羅 柳嶺 石嶺下 李家坊

二箇 廖家嶺 楊家莊 丁家橋 源頭 泉塘 下羅
廖家田 石煙冲 獅子腦 南江 大陂 鏡山冲

三箇 東山下 彭家冲 古跡嶺 石塘 路下 東溪
亭子嶺 長家冲 茶林冲 樹樹潭 螺絲橋


市鎮

潭埠市 縣西六 十里 櫛樹潭市 縣西七 十里 獲富市 縣西八 十里 周陂橋市 即黃茅縣 西九十里

景衡市 王家埭縣 西八十里 素木橋市 縣西八 十里 南岸市 縣西九十 五里新增 喬頂市 縣西九十 五里新增

芳木山市 縣西七十五里道无 以後漸見繁盛新增

建城鄉圖



例圖			
疆界	橋梁	山脈	河流
∕	∕	∕	∕

進城鄉統四都二十箇

十四都嶺裏嶺外二里統箇六
一 西坑 下南江 雞毛坑
二 昌山 泉嶺裏 東阮冲
三 排江 石腦背 界嶺
四 楓林頭 長塘 挑樹
五 浩石 楓林頭 蘇溪
六 江心 栗山下 荷嶺
宋名宣德里

一 箇 西坑 下南江 雞毛坑
二 箇 昌山 泉嶺裏 東阮冲
三 箇 排江 石腦背 界嶺
四 箇 楓林頭 長塘 挑樹
五 箇 浩石 楓林頭 蘇溪
六 箇 江心 栗山下 荷嶺

十五都宣教里統箇四
一 箇 柵上 昌田 水南
二 箇 新田 窪裏 書堂
三 箇 鏡山 白楊 磔下
四 箇 花橋 磔上 小洞裏
五 箇 龍田 官院 石壁
六 箇 清水塘 九龍山 新市

一 箇 柵上 昌田 水南
二 箇 新田 窪裏 書堂
三 箇 鏡山 白楊 磔下
四 箇 花橋 磔上 小洞裏
五 箇 龍田 官院 石壁
六 箇 清水塘 九龍山 新市

十六都龍田牟源上大平三里統箇六
一 箇 龍田 官院 石壁
二 箇 清水塘 九龍山 新市
三 箇 鏡山 白楊 磔下
四 箇 花橋 磔上 小洞裏
五 箇 龍田 官院 石壁
六 箇 清水塘 九龍山 新市

一 箇 龍田 官院 石壁
二 箇 清水塘 九龍山 新市
三 箇 鏡山 白楊 磔下
四 箇 花橋 磔上 小洞裏
五 箇 龍田 官院 石壁
六 箇 清水塘 九龍山 新市

三 箇 楓林嶺 廣洞橋 山下
四 箇 西風大嶂 泉峯
五 箇 石馬嶺 上東江
六 箇 西江 嶺下 下東江
七 箇 謝山嶺下 嶺下 下東江

十七都陽和下大平二里統箇四
一 箇 虎塘 山橋 裏源冲
二 箇 根車布 上中下麻舍
三 箇 大橋 山口 后塘
四 箇 牟村 楊家坊

一 箇 虎塘 山橋 裏源冲
二 箇 根車布 上中下麻舍
三 箇 大橋 山口 后塘
四 箇 牟村 楊家坊

市鎮
白楊店市 縣西六十里
仙源市 縣西北七十里
儲木橋市 縣西北七十里
樽頭市 縣西北六十里

白水市 縣西九十里
牟村市 縣西北四十里
上下花嶠市 縣西北七十里
清水塘市 縣西北六十五里

白楊店市 縣西六十里
仙源市 縣西北七十里
儲木橋市 縣西北七十里
樽頭市 縣西北六十里

白水市 縣西九十里
牟村市 縣西北四十里
上下花嶠市 縣西北七十里
清水塘市 縣西北六十五里

白楊店市 縣西六十里
仙源市 縣西北七十里
儲木橋市 縣西北七十里
樽頭市 縣西北六十里

白水市 縣西九十里
牟村市 縣西北四十里
上下花嶠市 縣西北七十里
清水塘市 縣西北六十五里

白楊店市 縣西六十里
仙源市 縣西北七十里
儲木橋市 縣西北七十里
樽頭市 縣西北六十里

白水市 縣西九十里
牟村市 縣西北四十里
上下花嶠市 縣西北七十里
清水塘市 縣西北六十五里

白楊店市 縣西六十里
仙源市 縣西北七十里
儲木橋市 縣西北七十里
樽頭市 縣西北六十里

白水市 縣西九十里
牟村市 縣西北四十里
上下花嶠市 縣西北七十里
清水塘市 縣西北六十五里

白楊店市 縣西六十里
仙源市 縣西北七十里
儲木橋市 縣西北七十里
樽頭市 縣西北六十里

歐桂西鄉圖



歐桂西鄉統三都十五畝

本康樂鄉改名吉安志歐陽修伯祖儀進士及第里閭榮之改所居安德里為

歐桂里吾邑鄉名之改殆因後人遷此故無舊志不載存參

十八都歸化里統畝七

宋有遊賢里次歸化後

- 一畝 謝陂 高村阮 謝山
- 二畝 芟湖 佛嶺下 西江橋

- 三畝 白良 街江 煙包山
- 四畝 廖巷 石井 茶園嶺

- 五畝 早禾田 禾田
- 六畝 高田 奇江墩

- 七畝 小阮布 西布
- 雷塘布 岳裏 福塘

十九都晉安里統畝二

洪武志誤作進賢里

- 一畝 雲峯嶺 平樂橋 鄔家坊 澄渡 徐家坊

- 二畝 范塘 梅源 楓樹凹 丁田

二十都裏裕里統畝六

宋名裏喻洪武志誤進安

- 一畝 花塘 徐家坊 銀田
- 二畝 湖源 雷塘布

- 三畝 裏裕街 易家厓 平山頭 開城上 鄔家坊 銀田

- 四畝 明江 漳源 上洞 西源 十八渡 礫裏 礫下

- 五畝 四陂 小洲上 鄔家車 赤陂

- 六畝 均車 赤陂 石蛇 沙潭

市鎮

裏裕市 三百里縣東北三十里

白良橋市 縣北二十里

芟湖市 縣北四十里

歐桂東鄉圖



例圖

疆界	橋梁	山脉	河流
—	—	—	—

歐桂東鄉統四都十六畝

原名康樂

二十一都康樂里統畝四

一畝

漳源 桃源石 陶家坊 葛蒲墩 慈溪 柘桑
蓮花墩 漆棚裏 新塘山

二畝

鍾家坊 岐山 抗橋 武家嘴 長雨墩 雙槐樹

三畝

六百橋 麻田 青背 楊家舍 廟前 樂阮

四畝

橋頭 小水 段家 何家

二十二都蓮亭里統畝四

一畝

觀上 塔村 郭前 徐家

二畝

橋源 軍屯 盧婆嶺 彭家園

三畝

橋埠 棗田 蓮亭 竹頭 嚴坪

四畝

羅城 山田 高車 湖溪 抗里 橋埠 葛阮

二十三都藏溪里統畝五

一畝

環湖嶺 厲公坡 布溪

二畝

高江 皂山 南園

三畝

藏溪 三峯阮 麻石阮

四畝

湖田 虎符 培下 何家洲 橫阮 袁家山

五畝

岐源 楓樹墩 桃源洞 長橫里 小溪阮

二十四都高村歸遠二里統畝三

原四畝明末省二畝屬高村
一三畝屬歸遠舊志皆誤

一畝

漸細洲 固山 黎源 西阮

二畝

高村 煙竹 鳳凰洲 船埠潭 苦菜洲 高嶺
大西阮

三崙

巖田
長阮

田山

上坪

大烟

板阮

周家源

高碑

市鎮

漳源市

麻田縣東北三十里

盧家洲市

縣東北四十里

蓮亭市

羅城縣北四十里

南園市

縣北五十里

高村市

縣北七十里

船埠潭市

縣西北一百里

西阮市

縣西北一百二十里

縣下鎮

今廢

鄉區之制圖說已明詳審文義必能知之張前縣長奉令劃作五區並未通告各鄉詳晰討論而糧冊仍稱某都某崙某甲可見鄉制未嘗改也劃為六區相沿已久實則一二區分而不分即城之東西都與懷舊鄉相為聯屬也其三四五六區猶四鄉之舊也縮

六區為五區是併明制之一二區而為五區即不啻併東西都與懷舊鄉為一區而其界劃不免微有出入二三四五未必遂合以前四鄉之舊也細考其劃區時候不獨各鄉父老未曾與聞亦未聞有人按區勘驗且未聞有人將縣志詳細玩索也縣境繪有五區新圖曾索觀之其於道里之伸縮長短第就黃茅一方論計里不免過長他未親歷難以臆揣或有言既繪最老之五鄉崙宜繪一五區新崙阮而思之尚難確定輕言載筆實有未安今且明令廢區矣而所云劃為鄉鎮者亦尚屬有待姑識數語以告善讀縣志者八月病起記

宏文師範兩校指導學生秘密組織爾時由龍旂光率際唐等負責惟不輕易露出黨員頭角僅能從事宣傳工作以激動人民心思遂漸將革命種子散布各處

乙 公開時期

民國元年黨員巢廣源謝濟沂等公開設分部於大橋副都督李烈鈞討袁失敗致被解散十五年八月國民革命軍到達特派員劉粹平許子熊來縣指導組織臨時縣黨部派張維藩宋餘階謝祥初宋子標張鞏黃為執行委員王乘風為監察委員迄十月省特派員周繼暉來縣指導始組織正式縣黨部派宋餘階謝祥初吳驥張維藩范懋修宋光祖王乘風為執行委員王海泉為監察

委員共有黨員二千六百十七人設縣黨部於城內財神廟劃分全縣為十三個區黨部四十二個區分部全體黨員一致活動勢力日益擴大惟措置乖張致失民眾信仰

丙 清黨時期

民十六年丁巳以後本縣執監委員全部撤職另派郭迴瀾潘道恒張維藩汪文輝彭翰材盧中柱龍松泉為維持委員組織黨務維持委員會成立未久適中央舉行清黨由是負責人員星散故未經改組委員會派員改組而黨務已陷於停頓中九月縣長朱五建蒞任伊始即拘拿龍松泉旋奉令執行槍決嗣清黨軍陳團長傅文率領全團士兵來縣清黨共黨人員逃避殆盡並未

組織清黨委員會僅拿獲王海泉解赴萍鄉槍決

丁指導委員會時期

民國十七年本黨舉行總登記省黨務指導委員會派楊燦華龍鳳瑞曾亮東潘文奎辛應德爲萬載縣指導委員組織縣黨部於城內學宮分置秘書處組織宣傳訓練各部及民衆訓練委員會由各委員分別主持旋楊燦華調回由劉振芬補充嗣又將劉調回由丁耀華補充最後曾亮東辭職派袁國華繼任是時全縣共登記黨員一千三百七十四名經省指導委員會頒發登記証者四百五十六名中央頒發黨証者三百七十六名劃分全縣爲五個區黨部二十五個區分部

戊第二屆執監委員會時期

民十八冬舉行第二屆全縣代表大會省黨部派周聖夢蒞縣監選當選舉候圈執監委員並選舉劉振芬龍鳳瑞辛應德爲出席江西省第四次全省代表大會代表嗣經圈定張德清辛應德劉振芬爲執行委員潘文奎爲候補執行委員盧衛漢爲監察委員劉國琥爲候補監察委員全縣報到黨員二百五十七名劃分五個區黨部二十個區分部

己第一次整理委員會時期

本縣黨務整理委員會前後成立兩次民十九年十月間上級黨部將本縣執監委員全部調回另派丁耀華辛鎮寰潘文奎韓全

軒彭德威爲整理委員嗣丁耀華撤職以盧衛漢補充原有黨部
被匪焚燬殆盡改設於城內武廟全縣報到黨員二百八十四名
劃分三個區黨部十五個區分部翌年七月奉令勦匪區域成立
縣黨政委員會全縣黨務統歸縣黨政委員會辦理矣

庚第二次整理委員會時期

民二十一年一月黨政委員會撤消各縣黨部恢復組織經江西
省黨務整理委員會派辛煥鎰龍鳳瑞李德毅龍禹門喻元爲本
縣黨務整理委員嗣龍禹門因事撤職以宋餘階補充隨又將宋
調回派劉振芬充任設黨部於城隍廟將全縣黨務從新整理報
到黨員三百十六名劃分四個區黨部十九個區分部四個直屬

區分部

辛第三屆執監委員會時期

民二十一年八月全縣黨務整理就緒卽召開第三次全縣代表
大會省黨部派譚之瀾蒞縣監選當選舉候圈執監委員嗣經圈
定龍鳳瑞劉振芬辛煥鎰李德毅喻元爲執行委員彭子衡龍震
東汪敷郭爲候補執行委員宋光祖李祖謙劉國琥爲監察委員
劉世昌爲候補監察委員於九月二十三日成立執監委員會翌
年二月奉令辦理選舉出席江西第五次全省代表大會代表省
黨部派顏承梁蒞縣監選當選出辛煥鎰宋光祖龍鳳瑞李德毅
爲出席江西省第五次全省代表大會代表及臨時全國代表大

會初選代表

壬幹事制時期

第三屆執監委員工作頗形努力至民二十二年九月本省奉命遵照軍事委員會委員長南昌行營頒發豫鄂皖三省勦匪區內暫行黨務整理綱要改委員制爲幹事制將全體執監委員調回派李德毅爲萬載縣黨部幹事汪敷郭爲助理幹事執行執監委員會職務除黨部本身工作外並規定協助勦匪辦理社教推行新運等爲工作中心迨二十四年三月李德毅調任江西省黨部幹事以助幹汪敷郭升充幹事另派彭子衡爲助理幹事各下級黨部組織均仍舊貫

癸最近時期

民國二十八年七月本省各縣黨部奉令改幹事制爲書記長制組織擴大經費增加省執行委員會以本縣黨務工作努力將原任幹事汪敷郭派充爲書記長主持壹是另派辛煥鎰李德毅龍濟海辛鍾靈謝濟蒼盧奮孫曾拜颺易斯立爲黨務計劃委員以汪敷郭爲主任委員將全縣黨務督促進行並儘量研求新黨員各優秀份子爭相入黨均能淬勵奮發在本黨總裁領導下精誠團結從事抗戰建國工作計全縣現劃分二個區黨部十四個區分部二十五個直屬區分部工作進展遍及鄉村從茲積極倡導加緊督促力量之發揮將融納於各種政治及

社會機構之中發揚而光大之矣

國黨游十四國副長帶二十五副長

游蘇聯不詳編階級階級

否對表特手率隊入黨改新

其地原派主并委員詳全

推新事論遊商地者重奮

并轉學馬波際游表高書

殊辦辦大察費律賦登特

其團二十天平子民本首

吳景濂

